



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Vita Ioannis Berchmanni Flandro-Belgæ Religiosi  
Societatis Iesv**

**Cepari, Virgilio**

**Antverpiæ, 1630**

Studium legendi libros instituti proprij.

[urn:nbn:de:hbz:466:1-46083](#)

*Studium  
legendili-  
bros insti-  
tuti pro-  
prij.*

*Nicolao  
Grodreschi.*

Altera eiusdem conatus industria fuit, quam sui præcipue caussâ adhibebat, perpetua diligentissimaque lectio Constitutionum, Legum, Annalium Historiarumque Ordinis nostri; rerum item à sanctis Societatis viris, alijsque, gestarum. Hæ tantæ eius erant deliciæ, ut aliquando mihi diceret: Mea delectatio sunt Regulæ, Exercitia, ac Vitæ nostrorum Beatorum. Has igitur legebatur, cùm ipsius sui instituti caussâ, tum ut ijs penitus imbutus, nihil eorum ignoraret. Quantum verò ipse ab hoc suo studio sibi promitteret, vel inde conisci possit, quod inclinata iam vitâ ab Adolescenti quodam Polono interrogatus de ratione traducendi ritè temporis, quod colloquio quotidie indulgetur; ita responderit: Si vis sermones pios facile feli-citerque collocutionibus aspergere, legitio Historias & Annales Societatis nostræ; hæ quippe res cùm propriæ nobis sint, omnibus quoque perplacent; quarum equidem tantam meâ caussâ siluam collegi, ut nullâ pro-pe dissertatio cuiuscumque demum argu-menti incidere possit, cuius non exempla semper aliquot ex ipsis Societatis rebus ad-ferre possim.

Præterea confecerat sibi syllabum Mart-yrum virorumque sanctitate illustrium Or-dinis nostri, quorum anniversarios dies ma-gnâ

IOANNIS BERCHMANNI. 103  
gnâ eorum quibuscum loquebatur oblecta-  
tionē celebrabat. Obseruatumq̄e est, quo-  
ties per aulam Collegij (in quo corum imagi-  
nes propositæ sunt) pertransiret, aperto sem-  
per capite ijs habuisse honorem. Tam erat  
accuratē instructus in primordijs, progressu,  
vniuersoq̄e Societatis nostræ statu, vt non  
legisse modò, verum etiam scripsisse Histo-  
rias Annalesq; eius videretur: affererentq;  
grauissimi Patres, qui s̄epiùs de Societatis re- P. Gabr.  
bus differentem audierant, numquam sibi Venustus,  
repertum alium, qui aut maiorem earum re- & alij.  
rum cognitionem haberet, aut maiore affe-  
ctu de ijs loqueretur, aut loquentes audiret.

Quartum præsidium, quo ab omni se no-  
xā longissimè remouebat, fuit perpetuus usus  
cognitionis exercendæ in cōscientiam suam;  
res adeò à S. IGNATIO laudata, necessariaq;e  
omnibus religiosæ perfectionis studiosis.  
Examen, quod nos generale appellamus, bis  
ille per diem, manè, iterumq;e vesperi, vnâ  
cum ceteris Societatis alumni, horis consti-  
tutis habebat. Alterum præterea (quod par-  
ticulare à nobis vocatur) instituebat quoti-  
die tempore statu, nisi tamen pro locorum  
rerumve gerendarum diuersitate mutaret  
pro Societatis more. Atque ille uno ferè ante  
obitum mepse mihi dicebat, (quod scri-  
pto deinde commendatum reperi) num-

G 4                    quam

*Numquam quam vel vnum aliquod horumce examinum vlo abs se die fuisse suo tempore intermissum; quodque nec pretio, nec gratia, vel examen, vel orationem, vel apertam illam conscientiam in detegendo se Superioribus intermittere vellet. Sic habent eius verba:*

*De medijs quibus Societas utitur ad finem suum consequendum, magnificatio orationem, examen particulare & generale, & candorem apud Superiores, nec recordor umquam me ullum ex his omisisse, nec pro toto mundo omitterem.*

*Quin & illud iam secum decreuerat, netum quidem horum aliquid prætermittere, cum vel æger lectulo teneretur: assuerabatque, his præsidijs, ad egregiam puritatem perfectionemque posse perueniri.*

Reuertens aliquando è Patrum Professorum Domo, quò se, ad audiendam Præpositi Generalis adhortationem, contulerat, solum ita temporis admonebat: Commodum per viam conscientiam nostram ad calculos vocabimus, nam in Collegio iam signum examini faciendo datum erit. Idem alteri cuidam repetit, dum forte Dominico die è SS. Trinitatis ad Pontem Sixti rediret; quò, ad subseruiendum communioni Generali, fuerat ablegatus. Quodam vacacionis hebdomadariæ die, proximè prandij horam, in vineâ obambulans cum aliquot Sodalium,